

Cum *Secreta diei dicitur sub uno Per Dóminum, sequens Secreta.*

MUNERA, Dómine, oblata sanctifica, et qui te ipsum in sepúlchro poni voluisti, et exéplum resurgéndi fidélibus tuis largiri dignátus es, da, quæsumus, fidélium tuórum animábus hic in te quiescéntibus, véniam peccatórum; ut hæc salutáris hóstia sit remédium et réquies animárum eórum, et córporum. Qui vivis et regnas cum Deo Patre in unitáte Spiritus sancti Deus, in sæcula sæculórum. *R.* Amen.

Cum *Postcommunione diei dicitur sub uno Per Dóminum nostrum, sequens Postcommunio.*

MUNERIBUS sacris satiáti quæsumus, Dómine Deus noster, ut plebs tua, quæ in futúro a morte córporis resurrectúra créditur, te miseránte, a morte ánimæ resúrgere mereátur. Per Dóminum nostrum Jesum Christum Filium tuum, qui tecum vivit et regnat in unitáte Spiritus sancti Deus, per ómnia sæcula sæculórum. *R.* Amen.

DE ECCLESIAE, ET COEMETERII

RECONCILIATIONE.

ECCLÉSIE et cœmeterii reconciliatio omni die fieri potest.

In primis in mane diei qua reconciliatio fieri debet, paratur faldistorium super tapete in medio cœmeterii, et altare Ecclesiæ omninó nudatur. Parantur etiam duo vasa cum aqua, unum in cœmeterio, et aliud in Ecclesiâ in Presbyterio, et ibidem unum vas vini; vas cum sale; vas cum cineribus; et aspersionum


de herba hyssopi factum. Providetur etiam quod Ecclesia possit libere circumiri. Si vero Ecclesia tantum sit reconcilianda, paratur faldistorium super tapetem ante portam principalem Ecclesiæ, et ibidem vas cum aqua, et aspersionum de herba hyssopi factum, ac alia in Ecclesia, quæ supra sunt ordinata.

Quibus omnibus sic paratis, Pontifex in sacristia, vel alio condecenti loco ornatus amictu, alba, cingulo, stola, pluviali albo, mitra simplici; et baculo Pastoralis, procedit ad cœmeterium, si est reconciliandum, alias ante portam principalem Ecclesiæ; ubi stans juxta faldistorium sibi paratum, benedicit aquam ibidem in vasa positam simpliciter cum sale, prout habetur supra in benedictione et impositione primarii lapidis pro Ecclesia ædificanda. 3. Aqua igitur benedicta, Pontifex sine mitra inchoat, schola prosequente, Antiphonam:

7 Toni.



A - sper - ges me, Do - mi - ne, hys - so - po,



et mun - da - bor : la - va - bis me, et



su - per ni - vem de - al - ba - bor. Ps. Mi - se - re - re



me - i De - us. E u o u a e.

*Psalmus 50. Miserere mei Deus: * secundum magnam misericordiam tuam, etc. ut supra. 12. Totus dicitur cum Gloria Patri, et Sicut erat.*

Quo finito, Antiphona repetitur. Interim dum Antiphona, et Psalmus dicuntur, Pontifex, accepta mitra, aspergit cum ipsa aqua in circuitu deforis Ecclesiam, et coemeterium simul, aspergendo aquam alternatim nunc ad murum Ecclesiae, nunc ad terram coemeterii, et specialiter loca contaminata. Quo facto, rediens ad locum ubi aquam benedixit, stans deposita mitra, dicit:

OREMUS.

OMNIPOTENS et misericors Deus, qui Sacerdotibus tuis tantam prae ceteris gratiam contulisti, ut quidquid in tuo nomine digne perfectaque ab eis agitur, a te fieri credatur, quaesumus immensam clementiam tuam, ut quod modo visitaturi sumus, visites, et quidquid benedicturi sumus, bene ✠ dicas; sitque ad nostrae humilitatis introitum Sanctorum tuorum meritis fuga demonum, Angeli pacis ingressus. Per Christum Dominum nostrum. *ñ.* Amen.

Deinde iterum dicit: *Orémus.*

Et ministri: Flectámus genua. ñ. Leváte.

AUFER a nobis, quaesumus, Domine, cunctas iniquitates nostras; ut ad loca tuo sancto nomini purificanda puris mereamur mentibus introire. Per Christum Dominum nostrum. *ñ.* Amen.

Et si Ecclesia reconciliatur sine coemeterio, omittitur sequens Oratio. Si vero Ecclesia simul cum coemeterio reconciliatur, Pontifex, finita precedente, mox dicit: Orémus.

Et ministri: Flectámus genua. ñ. Leváte.

DOMINE pie, qui agrum figuli pretio sanguinis tui in sepulchram peregrinorum comparari voluisti; quaesumus,

dignanter reminiscere clementissimi hujus mysterii tui. Tu es enim, Domine, figulus noster, tu quietis nostrae ager, tu agri hujus es pretium, tu dedisti etiam et suscepisti, tu de pretio et in pretio tui vivifici Sanguinis nos requiescere donasti; tu ergo, Domine, qui es offensionis nostrae clementissimus indultor, expectantissimus iudicator, iudicii tui superabundantissimus miserator, iudicium tuae justae severitatis abscondens, post miserationem tuae pie redemptionis adesto exauditor et effector nostrae reconciliationis, hocque coemeterium, mausoleum peregrinorum tuorum caelestis patriae incolatum expectantium, benignus purifica et reconcilia; et hic tumultorum et tumulandorum corpora, de potentia et pietate tuae resurrectionis ad gloriam incorruptionis non damnans, sed glorificans resuscita, qui venturus es iudicare vivos, et mortuos, et saeculum per ignem. *ñ.* Amen.

Postea cantor incipit Litanias, ut in fine hujus secundae Partis, et Pontifex, accepta mitra, ingreditur Ecclesiam cum Clero, cantando eas; acceditque ante altare majus, coram quo paratur ei faldistorium, super quod Pontifex cum mitra proeumbit. Cumque dictum fuerit:

Ut omnibus fidelibus, etc.

ñ. Te rogámus audi nos.

Pontifex surgit de accubitu, et baculum Pastoralem in sinistra tenens, producit signum crucis super altare, Ecclesiam, et coemeterium, dicens:

UT hanc Ecclesiam, et altare hoc, ac coemeterium purgare, et recon ✠ ciliare digneris. *ñ. Te rogámus audi nos.*

Secundo dicit:

Ut hanc Ecclesiam, et altare hoc, ac coemeterium purgare, recon ✠ ciliare, et sancti ✠ ficare digneris. ñ. Te rogámus audi nos.

Tertio dicit :

Ut hanc Ecclesiam, et altare hoc, ac cœmeterium purgare, recon ✠ ciliare, sancti ✠ ficare, et conse ✠ crare digneris.

℞. Te rogamus audi nos.

Si autem cœmeterium non sit pollutum, et sic neque reconciliandum, non fit de cœmeterio mentio. Quibus dictis, iterum super faldistorio acumbit, cantore Litanias resumente et perficiente. Quibus finitis, Pontifex surgit et, deposita mitra, stans versus ad dictum altare, dicit : Orémus.

Et ministri : Flectamus genua. ℞. Levate.

DEUS, qui peccati veteris hereditariam mortem, in qua posteritatis genus omne successerat, Christi Filii tui Domini nostri passione solvisti : da propitius, ut conformes eidem effecti, sicut imaginem terreni parentis naturæ necessitate portavimus, ita imaginem cœlestis gratiæ sanctificatione portemus, per virtutem ejusdem Christi Filii tui Domini nostri, qui tecum vivit, et regnat in unitate Spiritus sancti Deus, per omnia sæcula sæculorum. ℞. Amen.

Deinde Pontifex genuflectit ante faldistorium prædictum, et sine mitra cantando dicit, prout etiam habetur supra in Ecclesiæ Dedicatione. 38.
Deus in adiutorium meum intende.

Tunc surgit Pontifex, et Chorus respondet :
Domine ad adjuvandum me festina.

Tunc Pontifex stans sine mitra, dicit :
Gloria Patri, et Filio, et Spiritui sancto.

Chorus respondet :
Sicut erat in principio, et nunc, et semper : et in sæcula sæculorum. Amen. absque Alleluia.

Idem fit eisdem modo et loco secundo, et tertio, voce semper altius elevata. Quibus dictis, Pontifex stans in

eodem loco, accepta mitra, benedicit aliam aquam ibidem in Presbyterio in aliquo vase paratam cum sale, cinere, et vino, incipiens absolute :

Exorcizo te creatura salis.

Prout habetur supra in Dedicatione Ecclesiæ in secunda aquæ benedictione, 39. continuans usque ad Orationem. Omnipotens sempiternus Deus, creator et conservator humani generis, etc. inclusive.

Qua dicta, Pontifex inchoat, schola prosequente, Antiphonam :

7 Toni.



Ex-ur-gat De - us, et dis-si-pen-tur i-ni-mi-ci



e-jus, et fu-gi-ant, qui o-de-runt e-um, a



fa-ci-e e-jus. Ps. In Ec-cle-si-is be-ne-di-ci-te



De-o Do-mi-no. E u o u a e.

Incepta Antiphona, Pontifex facit, ut in fine Psalmi habetur.

PSALMUS 67.

IN Ecclesiis benedicite Deo Domino, * de fontibus Israel.

• *Repetitur Antiphona.*
Ibi Bénjamin adolescéntulus, * in mentis excéssu.

Repetitur Antiphona.
Príncipes Juda duces eórum : * príncipes Zábulon, príncipes Néphthali.

Repetitur Antiphona.
Manda Deus virtúti tuæ : * confirma hoc, Deus, quod operátus es in nobis.

Repetitur Antiphona.
A templo sancto tuo in Jerúsalem, * tibi ófferent reges múnera.

Repetitur Antiphona.
Increpa feras arúndinis; congregátio taurórum in vaccis populórum : * ut exclúdent eos qui probáti sunt argénto.

Repetitur Antiphona.
Díssipa gentes, quæ bella volunt, vénient legáti ex Ægypto : * Æthiópia prævéniét manus ejus Deo.

Repetitur Antiphona.
Regna terræ cantáte Deo : * psállite Dómino.

Repetitur Antiphona.
Psállite Deo, qui ascéndit super cœlum cœli, * ad Oriéntem.

Repetitur Antiphona.
Ecce dabit voci suæ vocem virtútis, date glóriam Deo super Israel; * magnificéntia ejus, et virtus ejus in núbibus.

Repetitur Antiphona.
Mirábilis Deus in sanctis suis, Deus Israel ipse dabit virtútem, et fortitúdinem plebi suæ, * benedíctus Deus.

Et non dicitur Glória Patri, sed Antiphona repetitur.

Interim dum Antiphona et Psalmus prædicti dicuntur, Pontifex, accepta mitra, circuit ter Ecclesiam intrinsecus, aspergendo in primo circuitu parietes in superiori parte; in secundo autem in inferiori parte eorum; in

tertio vero pavementum Ecclesiæ; aspergit etiam specialiter loca contaminata, quando Ecclesia principaliter est polluta, vel violata. Quo facto, Pontifex stans in Presbyterio cum mitra versus ad altare, dicit :

DEUM indultórem criminum, Deum sórdium mundatórem, Deum, qui corrúptum peccátis originálibus mundum advéntus sui nitóre purificávit, fratres charísimi, súpplíces deprecémur, ut contra diaboli furéntis insídias fortis nobis propugnátor assistat; ut si quid ejus virósa calliditate quotidianis insectatióibus maculátum in isto loco corrúptúmque fúerat, efficiátur cœlésti miseratióne purgátum, quia sicut illius est sólídum perfectúmque quassáre, ita auctóris est nostri lapsa restituere, nutántia stabilire, et corrúpta purgáre. Qui cum Deo Patre, et Spiritu sancto vivit, et regnat Deus,

Deinde, deposita mitra, mediocri voce, extensis manibus ante pectus, dicit Præfationem.



PER omnia sæ-cu-la sæ-cu-lo-rum. *ñ.* A-men.



ŷ. Do-mi-nus vo-bis-cum. *ñ.* Et cum spi-ri-tu




tu-o. *ŷ.* Sur-sum cor-da. *ñ.* Ha-be-mus ad



Do-mi-num. *ŷ.* Gra-ti-as a-ga-mus Do-mi-no

De-o nostro. *R.* Dignum et ju-stum est. Ve-re
 dignum et justum est, æquum et sa-lu-ta-re,
 nos ti-bi sem-per, et u-bi-que gra-ti-as
 a-ge-re, Do-mi-ne san-cte, Pa-ter o-mnipotens,
 æ-ter-ne De-us. Cu-jus im-mensa bo-ni-tas,
 ut non ha-bu-it prin-ci-pi-um, i-ta nec ter-
 mi-num ha-be-bit. Qui di-vi-na na-tu-ra-li-que
 pi-e-ta-te plenus, e-li-gis in no-bis magis re-


stitu-e-re perdi-ta, quam per-cute-re peri-tu-ra.
 Et si quid aut ne-gli-gen-ti-a pol-lu-it, aut
 i-ra com-mit-tit, aut sti-mu-lat e-bri-e-tas, aut
 li-bi-do sub-ver-tit, hoc, Do-mi-ne, cle-menti
 pa-ti-en-ti-a sus-ti-nes; ut an-te per gra-ti-am
 pu-ri-fi-ces, quam per-cu-ti-as per fu-ro-rem. Et
 o-pe-ris tu-i pro-vi-dus plas-ma-tor e-li-gis
 po-ti-us e-ri-ge-re ja-cen-ti-a, quam pu-ni-re



dam-nan-da. Te, Do-mi-ne, sup-pli-ces de-pre-
 camur, ut hu-jus ta-ber-na-cu-li re-ce-pta-cu-lum
 pla-ca-tus a-spi-ci-as, et al-ta-re tu-um, quod
 in-se-ctan-tis est in-i-mi-ci frau-de pol-lu-tum,
 per in-fu-si-o-nem gra-ti-æ cœ-le-stis pu-ri-fices,
 pu-ri-fi-ca-tum pos-si-de-as, possessumque, ne
 de-in-ceps a-liqua la-be sor-des-cat, cu-sto-di-as.
 Ab-sint in po-sterum omnes ne-qui-ti-æ spi-ri-



tu-a-les, et e-li-mi-nen-tur, ex-tin-gua-tur
 an-ti-qui serpen-tis in-vi-di-a, et cum o-mnibus
 frau-di-bus su-is di-a-bo-li tur-ma pro-pel-la-tur.
 Ef-fe-rat se-cum ma-cu-lam, quam in-ges-sit, et
 per-en-ni-bus quando-que sup-pli-ci-is de-pu-tan-dus
 o-pe-rum su-o-rum se-mi-na se-cum col-li-gat
 per-i-tu-ra. Ni-hil hic in po-ste-rum no-ce-at
 præ-te-ri-ti cul-pa con-ta-gi-i, ni-hil sit, quod




re-ma-ne-at i-ni-mi-ci frau-de pol-lu-tum,
 quan-do-quidem spi-ri-tus tu-i est in-fu-si-o-ne
 pur-ga-tum. Re-sur-gat Ec-cle-si-æ tu-æ pu-ra
 sim-pli-ci-tas, et candor in-nocen-ti-æ ha-cte-nus
 ma-cu-la-tus, dum re-ce-pe-rit gra-ti-am, re-sur-gat
 ad glo-ri-am; ut po-pu-lo-rum fi-de-li-um hic tur-ba
 con-ve-ni-ens, dum pe-ti-ti-o-nis in-ge-rit vo-ta,
 vo-lo-rum sen-ti-at se ob-ti-nu-is-se suf-fra-gi-a.

Quod sequitur dicit submissa voce legendo, ita tamen quod a circumstantibus audiri possit.

Per Dóminum nostrum Jesum Christum Filium tuum, qui tecum vivit, et regnat in unitate Spiritus sancti Deus, per ómnia sæcula sæculórum. R. Amen.

Post hæc Pontifex, accepta mitra, ascendit ad altare, et ibi inchoat, schola prosequente, Antiphonam :

4 Toni.



In-tro-i - bo ad al-ta-re De-i : ad De-um qui
 læ-ti-fi-cat ju-ven-tu-tem me-am. Ps. Ju-di-ca
 me De-us, et discerne causam me-am de gente
 non sancta. E u o u a e.

PSALMUS 42.

JUDICA me Deus, et discerne causam meam de gente non sancta : * ab hómine iniquo, et doloso érué me. Quia tu es Deus fortitúdo mea : * quare me repulisti, et quare tristis incédo, dum affligit me inimicus ? Emitte lucem tuam, et veritátem tuam : * ipsa me deduxérunt et adduxérunt in montem sanctum tuum, et in tabernácula tua.

Et introibo ad altáre Dei : * ad Deum qui lætificat iuventútem meam.

Confitébor tibi in cithara Deus, Deus meus : * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Et non dicitur Glória Patri, sed Antiphona repetitur. Qua repetita, Pontifex, deposita mitra, dicit : Orémus.

Et ministri : Flectámus génua. *R.* Leváte.

DEUS, qui in omni loco dominationis tuæ clemens ac benignus dedicátor assistis, exáudi nos, quæsumus, et concéde, ut in pósterum inviolábilis hujus loci permáneat consecrátio; et tui múnere beneficia universitas fidélium, quæ súpplicat, percípere mereátur. Per Christum Dóminum nostrum. *R.* Amen.

Deinde stans ibidem inchoat, schola prosequente, Antiphonam :

Confirma hoc, Deus, quod operátus es in nobis, a templo sancto tuo, quod est in Jerúsalem.

Psalmus 67. Exúrgat Deus, et dissipéntur, etc.

Et dicitur totus cum Glória Patri, et Sicut erat, prout habetur in fine hujus secundæ Partis cum Antiphona prædicta. Incepta Antiphona, Pontifex accipit mitram, stans cum ea dicto loco, usque ad finem Psalmi. Quo dicto, Pontifex, deposita mitra, stans adhuc ibidem dicit :

OREMUS.

DEUS, qui Ecclesiám tuam sanctam, de ómnibus mundi finibus congregátam, per tui láteris admirábile sacraméntum cunctárum géntium matrem esse dixisti, quam étiam populórum varietáte depictam, sanctorum Mártyrum tuórum méritis decorásti; béne ✠ dic, Dómine quæsumus, Sanctorum tuórum opitulánte suffrágio, tam altáre, quod eórum exornátur, te juvánte,

Reliquiis, quam Ecclesiám, ac fidélium tuórum tibi pie offeréntium vota in illa sanctifica. Qui cum Deo Patre, et Spíritu sancto vivis, et regnas Deus, in sæcula sæculórum. *R.* Amen.

Tum Pontifex benedicit populo solemniter, dicens : Sit nomen Dómini benedictum, etc.

Deinde, si velit, parat se ad celebrandum Missam. Sed si celebrare noluerit, facit per aliquem Sacerdotem solemniter Missam celebrari.

Missa dicitur de die, et cum Oratione diei dicitur sequens Collecta sub uno Per Dóminum.

ORATIO.

DEUS, qui dixisti : Domus mea domus orationis vocabitur, domum istam infidélium spureitiis contaminátam mundáre, et sanctificáre dignéris, et ómnium preces et vota hoc in loco ad te clamántium cleménter exáudias, et benignus suscipias. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

SECRETA.

HÆC hóstia, quæsumus Dómine, et locum istum ab ómnibus immunditiis expúrget, et supplicatiónes nostras semper et ubique reddat tibi accéptas. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

POSTCOMMUNIO.

PERCIPIENTES, Dómine, múnere salutis æternæ súpplices exorámus, ut templum hoc et cœmetérium ab

infidélum inquinaméntis emundátum, benedictióne tua máneat sanctificátum, et péctora nostra ab omni sorde vitiórum alienáta, tibi que devóta semper existant. Per Dóminum nostrum Jesum Christum Filium tuum, qui tecum vivit et regnat Deus, per ómnia sæcula sæculórum. *R.* Amen.

DE RECONCILIATIONE COEMETERII

SINE ECCLESIE RECONCILIATIONE.

QUANDO cœmeterium benedictum violatum seu pollutum, separatum est ab Ecclesia, et propterea ipsa non habetur pro violata vel polluta, reconciliatio cœmeterii fieri poterit quocumque die, hoc ordine:

In mane diei, qua reconciliatio fieri debet, parantur in medio cœmeterii faldistorium pro Pontifice, et vas aquæ mundæ benedicendæ, et vas salis; deinde hora convenienti Pontifex indutus in sacristia, aut alio convenienti loco, amictu, alba, cingulo, stola, pluviali albi coloris, et mitra simplici, baculum Pastoralem in manu tenens, accedit ad medium cœmeterii, ubi supra faldistorium ornatum procumbit; et cantores ibidem incipiunt, et prosequuntur Litanias, ut in fine hujus secundæ Partis; in quibus cum dictum fuerit:

Ut ómnibus fidélibus, etc.

R. Te rogámus audi nos.

Pontifex surgit cum mitra, et baculum Pastoralem in manu sinistra tenens, producit signum crucis super cœmeterium, dicens:

UT hoc cœmeterium reconci ✠ liare dignéris.
R. Te rogámus audi nos.

Secundo dicit:

Ut hoc cœmeterium reconci ✠ liare, et sancti ✠ ficare dignéris.

R. Te rogámus audi nos.

Tertio dicit:

Ut hoc cœmeterium reconci ✠ liare, sancti ✠ ficare, et conse ✠ crare dignéris.

R. Te rogámus audi nos.

Quibus dictis, Pontifex iterum super faldistorium procumbit, cantoribus Litanias perficientibus. Quibus finitis, surgit Pontifex ab accubitu, et benedicit ibi sal et aquam simpliciter, prout habetur supra in benedictione et impositione primarii lapidis pro Ecclesia ædificanda. 2. Quo facto, Pontifex in eodem loco stans sine mitra inchoat, schola prosequente, Antiphonam:

7 Toni.



A - sper - ges me, Do - mi - ne, hys - so - po,



et mun - da - bor : la - va - bis me, et



su - per - ni - vem de - al - ba - bor. Ps. Mi - se - re - re



me - i De - us. E u o u a e.

Psalmus 50. Miserere mei Deus: * secundum magnam misericordiam tuam, ut supra. 12.

Et dicitur totus sine Glória Patri.